



Senin, 15 Agustus 2022
Ogen: 1 Petrus 2: 16-17



"Nggeluh Bagi Kalak Bebas"



Bangsanta kentsik nari ngerayaken wari kemerdekaan i bas tanggal 17 Agustus enda. Uga nge penggejapenta? Nggo nge kita merdeka? Ntah ijajah denga nge kita? I bas ayat 11 ikataken gelah ola ikutken kininggiten dagingndu. Kininggiten daging e me penjaja modern gundari. Contohna, gundari zaman HP ras internet, uga nge nanamna adi si sirangken sada warilah gia HPnta? Gelisah, resah, galau, merana...adi bage ntah terjajah denga nge kita. Ntah contoh si deban e me ngkritiki lalap, subuk kerna negara enda, subuk kerna gereja, subuk kerna anak sekolah, masyarakat ras sidebanna, ertina i japa pe ras kai pe ikritikna. La malem atena adi la ngkritiki. Searusna idealna saling ndukung, Dukung programna, serayanna (BPMR, pandita,Pt-Dk rsd), adi la idukung uga ninta maju? Adi ngkritiki pe, bereken solusi janah sidahiken ras-ras. I bas ogenta pe isingetken maka kebebasanenta selaku bagi budak Dibata ula sisalahgunakan guna nutupi si jahat. Contohna e me, tep-tep minggu i bas gerejanta lit pengakun dosa ras pengalemi dosa, e maka sada minggu enda nggo banci ka kita nabung erban dosa gelah lit si banci ialemi i bas dirinta tupung wari minggu. E maka i bas ogenta isingetken maka kita enda budak Dibata, selaku budak Dibata, tujunta terjeng sada e me guna erbansa meriah ukur tuanta e me Dibata. E maka mari sinehen ku bas dirinta sekalak-sekalak, nggo nge kam tek maka kam kalak merdeka? Si jadi budak man Dibata si nggo mereken anugerah kemerdekaan e man banta? Budak e ndalanken persuruhan tuanna, adi kita budak Dibata, ertina kita ndalaken si isuruhNa. Kebebasenta e me ngikutken sura-sura Dibata labo alu terpaksa entah erkiteken isuruh. Tapi erkiteken kita enggo bebas.

*Jika seseorang hanya melakukan apa yang diperintahkan, maka ia adalah budak. Jika seorang melakukan lebih dari yang diminta, maka ia adalah orang merdeka.
(Peribahasa China)*